

EC
MA NDRYSHE

EKO SHKOLLA

- REDUKTO - RIPËRDOR - RICIKLO -



EKO KLUBI

"UKSHIN HOTI"

2



Republika e Kosovës
Republika Kosova-Republic of Kosovo
Qeveria - Vlada - Government
Ministria e Zhvillimit Rajonal
Ministarstvo za Regionalni Razvoj
Ministry of Regional Development

CARITAS Schweiz
Suisse
Svizzera
Svizra

YENI YOUTH
ENVIRONMENTAL
IMPACT



Të dashur lexues,

Kjo është seria e dytë e buletineve mjedisore të eko-klubeve të shkollave të mesme nga Rajoni i Jugut (komuna e Prizrenit, Mamushës, Rahovecit dhe Malishevës). Ky është buletini i parë informativ, i cili do të përmbajë mesazhe, intervista, ese, punime fotografi dhe shkrime të ndryshme mbi mjedisin dhe ndryshimet klimatike dhe njoftime mbi punën që po zhvillohet në këto tema nga eko-klubi i Shkollës së Mesme të Lartë "Ukshin Hoti" dhe OJQ EC Ma Ndryshe në kuadër të projektit "ECO School".

Ky projekt do t'i njohë me konceptin "Eko Shkolla" 12 shkollat e rajonit të Jugut (komuna e Prizrenit, Mamushës, Rahovecit dhe Malishevës), përmes pilotimit të formave dhe metodologjisë për mbrojtjen e mjedisit me pjesëmarrje të gjerë të nxënësve dhe mësimitdhënësve.

Në kuadër të projektit ofrohet një model dhe metodologji që përdoret gjerësisht në vendet e zhvilluara, e cila po zgjerohet me shpejtësi edhe në vendet në zhvillim. Përvojat botërore tregojnë se shkolla ekologjike është një fenomen në rritje, e cila nxit të rinjtë të angazhohen në mjedisin e tyre duke u dhënë atyre mundësinë për ta mbrojtur atë në mënyre aktive.

Projekti po ashtu do të kontribuojë në Strategjinë e Mjedisit dhe Planin e Veprimit në Mjedis të Kosovës, duke rekomanduar zhvillimin e programeve për edukimin mjedisor në të gjitha nivelet (shkolla dhe universitete).



NJERËZIT DHE KLIMA - NDIKIMET

Ndryshimet klimatike të shkaktuara nga njeriu kanë nisur të shfaqen që nga Revolucioni Industrial. Njerëzit luajnë një rol aktiv në këtë proces dhe ndikojnë mbi klimën në të gjitha nivelet e aktivitetit të tyre – që nga shtëpia, trafiku, e deri tek mjedisi i punës.

Pasoja e ndikimit negativ të njerëzimit mbi klimën e Tokës ndjehet përmes ngrohjes globale - sot temperatura mesatare e ajrit në nivel global është 1,10 ° C më e lartë se në fllim të shekullit të 20-të. Në botën tonë ka ndikime të shumta të ngrohjes globale dhe ndryshimeve klimatike, siç përshkruhet edhe në fotot e mëposhtme.

Ne duhet të kemi gjithmonë parasysh se një ndryshim i tillë kaq drastik i klimës në një periudhë të shkurtër kohore rrezikon mbijetesën e botës së gjallë, duke përfshirë njerëzit dhe cilësinë e jetës sonë.

Një nga mënyrat e mundshme më efektive për të zvogëluar pasojat negative të ndryshimeve klimatike është zbatimi i Zgjidhjeve të Bazuara në Natyrë.

TEMPERATURA E RRITUR

Pritet që temperatura mesatare vjetore të rritet çdo vit: deri në vitin 2040 temperatura mesatare do të jetë 1,5° C më e lartë.

Kjo mund të duket e parëndësishme, por kjo rritje do të ndryshojë kushtet e jetesës për të gjithë.

Por cilat janë zgjidhjet për parandalimin e saj?

Zgjidhjet e Bazuara në Natyrë formojnë hapësira të gjelbra dhe blu në mjediset urbane dhe rurale. Ndërtimi i zonave të reja të gjelbra me lloje të ndryshme bimore dhe pasurimi i atyre ekzistuese do të sigurojë kushte më të mira jetese për njerëzit dhe do të mundësojë zhvillimin e biodiversitetit urban.

Ndërtimi i çatave të gjelbra dhe mbjellja e pemëve në qytete mund të zbusë ndikimet e valëve të të nxehtit duke ulur temperaturën mesatare ditore.

ZBN-të kontribuojnë në aftësinë ripërtëritëse të komunitetit, zvogëlimin e rrezikut nga fatkeqësitë, zhvillimin socio-ekonomik, krijimin e vendeve të gjelbra të punës, rregullimin e temperaturës së ajrit dhe përmirësimin e shëndetit të njeriut.


[HTTPS://WWW.IUCN.ORG/SITES/DEFAULT/FILES/2023-05/CLIMATE-CHANGE-IN-12-PICTURES_ALBANIAN.PDF](https://www.iucn.org/sites/default/files/2023-05/CLIMATE-CHANGE-IN-12-PICTURES_ALBANIAN.PDF)






AKTIVITETET E EKO-KLUBIT:

TAKIMI MES ÊKO-KLUBIT DHE
EC MA NDRYSHE





DOKUMENTAR MJEDISOR ME EKO-KLUBET

Dokumentari mjedisor në "Kino Lumbardh" për 12 Eko - Klubet e Shkollave të Mesme të Rajonit të Jugut (Prizren, Rahovec, Malishevë dhe Mamushë). Ky aktivitet është pasuar me diskutim në mes anëtarëve të eko klubeve mbi çështjet mjedisore të trajtuara në dokumentar.

Gjatë këtij aktiviteti u shqyrtua se si veprimet tona të pakujdesshme ndaj natyrës çojnë drejt degradimit të planetit, ta bëjnë atë të pabanueshëm për miliona njerëz dhe si do të sjellin shkatërrimin e popullatave të biodiversitetit.

Ky aktivitet përveç njohurive të reja dhe aktivizimit të nxënësve për të ofruar zgjidhje të ndryshme mbi këto çështje, po ashtu kontribuoi edhe për shoqërimin e tyre duke ndarë mes vete përvojat për aktivitetet mjedisore që ata realizojnë në shkollat e tyre.






DITA BOTËTORE E RUAJTJES SË MJEDISIT

Ky eveniment shënohet çdo vit me datën 28 korrik. Në këtë ngjarje, eko klubet e shkollave të mesme të Prizrenit, Rahovecit dhe Malishevës janë angazhuar për të kryer pastrimin. Gjatë këtij aktiviteti, nxënësit kanë pasur mundësinë të marrin pjesë në një prezantim me informacione të rëndësishme rreth Ditës Botërore të Ruajtjes së Natyrës. Ata gjithashtu kanë diskutuar me mësuesit mbi çështjet e ndotjes së natyrës në komunitetin e tyre. Në veçanti, ata shprehen shqetësime për ndotjen e pyjeve dhe ujërave, të cilat po shkatërrojnë habitate të shumta të florës dhe faunës nëpër komunat e tyre.

Në këtë diskutim, janë përmendur disa hapa të nevojshëm për të përmirësuar situatën, duke përfshirë rritjen e vetëdijes së komunitetit për këto çështje dhe ndëshkimin e duhur nga institucionet ndaj ata që shkaktojnë ndotjen.





INAGURIMI I PROJEKTIT MJEDISOR

EC Ma Ndryshe ka përruruar projektin mjedisor të rradhës në shkollën e mesme të lartë "Ukshin Hoti" në Krushë të Madhe të Rahovecit. Me anë të këtij projekti Eko Klubi ka rritur hapësirën e gjelbër në oborrin e shkollës, duke e shndërruar kështu atë në një zonë rekreative që do të shfrytëzohet nga të gjithë nxënësit.

Me anë të këtij projekti në këtë shkolle janë mbjellur drunjë dhe bimë shumë vjeçare, janë vendosur ulëse dhe shporta në oborrin e shkollës dhe hapësira e brendshme e saj është zbukuruar me lule shumëvjeçare.



EKO KLUBI "UKSHIN HOTI"

KRUSHË E MADHE, RAHOVEC, KOSOVË

Autor dhe botues: EC Ma Ndryshe
Rr. Fehmi Lladrovci Nr.94, Prizren & Rr. Xhemajl Mustafa 9/1 LL-4 Nr.7,
Prishtinë
www.ecmandryshe.org
info@ecmandryshe.org
029 222 771 & 038 224 967

Ky buletin u realizua në kuadër të projektit "Ndikimi i Rinisë në Mjedis" - YENI, i cili bashkëfinancohet nga Agjencia Zvicerane për Bashkëpunim dhe Zhvillim, Caritas-i Zviceran, Ministria e Zhvillimit Rajonal dhe implementohet nga OJQ EC Ma Ndryshe përmes projektit "ECO Schools".